

Informe técnico sobre as proposicións presentadas no sobre C polas empresas concorrentes na contratación administrativa para a xestión da seguridade e vixilancia, e proposta de clasificación de ofertas.

O obxecto deste informe técnico é o estudo, avaliación e proposta de puntuación das proposicións presentadas polas empresas concorrentes nos respectivos sobres C, coa documentación técnica e relativa aos criterios avaliábeis de forma automática por aplicación de fórmulas, na contratación administrativa para a xestión da seguridade e vixilancia do Parlamento de Galicia, remitidos a este Servizo pola Mesa de contratación, e posterior clasificación por orden decrecente segundo a puntuación total obtida.

I. Antecedentes:

Os pregos que rexen esta contratación foron aprobados pola Mesa do Parlamento na súa reunión do 2 de agosto de 2016, e publicados no BOPG nº 689, do 11 de agosto de 2016. O anuncio de licitación publicouse no DOG nº 168, do 5 de setembro de 2016.

II. Empresas concorrentes:

- Eulen Seguridad, S.A.
- Grupo RMD Seguridad, S.L.

III. Criterios de adxudicación:

Segundo o apartado 15 do cadro de especificacións do prego de cláusulas administrativas que rexe esta contratación, os criterios avaliábeis de forma automática por aplicación de fórmulas, son os seguintes:

a) Prezo: de 0 a 40 puntos: Ponderaranse as ofertas adxudicando os puntos de acordo coa seguinte fórmula:

$$\text{Puntuación } i = 40 \times \frac{\text{Orzamento licitación – oferta } i}{\text{Orzamento licitación – oferta máis baixa}}$$

b) Número de efectivos adicionais para vixilancia e seguridade para a cobertura de sesións plenarias e actos extraordinarios: ata 8 puntos

Non se valorarán ofertas inferiores a un efectivo adicional. Ás empresas que presenten a mellor oferta adxudicaráselles a máxima puntuación. Ás demais asignaráselles a puntuación que proporcionalmente lles corresponda.

c) Bolsa de horas incluídas no prezo para o desenvolvemento e a atención de tarefas extraordinarias: ata 3 puntos.

Non se valorarán oferta de horas inferiores a 300 horas. Ás empresas que presenten a mellor oferta adxudicaráselles a máxima puntuación. Ás demais asignaráselles a puntuación que proporcionalmente lles corresponda.

IV. Ofertas presentadas no sobres C para os criterios avaliados de forma automática por aplicación de fórmulas:

EMPRESA	Oferta económica (sen IVE)	Número de efectivos adicionais	Bolsa de horas para a atención de tarefas extraordinarias
Eulen Seguridad, S.A.	181.990,00 €	2	500
Grupo RMD Seguridad, S.L.	177.032,40 €	4	400

Todas as ofertas presentadas están dentro dos respectivos orzamentos máximos, polo que todas deben ser admitidas. Compróbase que ningunha oferta económica esta incurso en baixa anormal ou desproporcionada.

V. Aplicación da fórmula de cálculo sobre os prezos ofertados polos licitadores:

Da aplicación das respectivas ofertas ás fórmulas establecidas no prego para a determinación da puntuación obtida por cada proposición, resulta a atribución da seguinte puntuación:

EMPRESA	Oferta económica	Número de efectivos adicionais	Bolsa de horas para tarefas extraordinarias	Total
Eulen Seguridad, S.A.	1,71	4	3,00	8,71
Grupo RMD Seguridad, S.L.	40,00	8	2,40	50,40

VI. Puntuación obtida polas empresas nos sobres B, conforme aos criterios cuxa cuantificación depende de xuízo de valor:

Por Acordo da Mesa de Contratación foille atribuída ás empresas a seguinte puntuación:

- Eulen Seguridad, S.A. 28 puntos.
- Grupo RMD Seguridad, S.L. 21 puntos.

VII. Resumo da puntuación atribuída ás ofertas presentadas:

Sumada a puntuación obtida polas empresas respecto de todos os criterios de adjudicación resulta a seguinte puntuación total:

EMPRESA	Criterios cuxa cuantificación depende de xuízo de valor	Puntuación criterios avaliados por aplicación de fórmulas	Puntuación Total
Eulen Seguridad, S.A.	28	8,71	36,71
Grupo RMD Seguridad, S.L.	21	50,40	71,40

VIII. Clasificación das ofertas

Procede clasificar as ofertas presentadas, en función da puntuación obtida, na seguinte orde:

- 1ª Grupo RMD Seguridad, S.L.
- 2ª Eulen Seguridad, S.A.

Santiago de Compostela, 17 de novembro de 2016.

O xefe do servizo